



Suí iomlánach

A8-0083/2019

22.2.2019

MOLADH

ar an dréachtchinneadh ón gComhairle maidir leis an gComhaontú
Comhpháirtíochta Deonaí a thabhairt i gcrích idir an tAontas Eorpach agus
Poblacht Shóisialach Vítneam maidir le forfheidhmiú an dlí, rialachas agus
trádáil i dtaca le foraoisí
(10861/2018 – C8-0445/2018 – 2018/0272(NLE))

An Coiste um Thrádáil Idirnáisiúnta

Rapóirtéir: Heidi Hautala

Eochair do na siombailí a úsáidtear

- * An nós imeachta comhairliúcháin
- *** Nóis imeachta an toilithe
- ***I Ordinary legislative procedure (first reading)
- ***II An gnáthnós imeachta reachtach (an dara léamh)
- ***III An gnáthnós imeachta reachtach (an tríú léamh)

(Braitheann an cineál nós imeachta ar an mbunús dlí a mholtar sa dréachtghníomh.)

CLÁR

Leathanach

DRÉACHTRÚN REACTACH Ó PHARLAIMINT NA hEORPA	5
RÁITEAS MÍNIÚCHÁIN	6
IARSCRÍBHINN: LIOSTA DE NA HEINTITIS NÓ NA DAOINE ÓNA BHFUAIR AN RAPÓIRTEIR IONCHUR.....	10
TUAIRIM ÓN GCOISTE UM FHORBAIRT.....	12
AN NÓS IMEACHTA – COISTE FREAGRACH	15
TORADH NA VÓTÁLA CRÍOCHNAITHÍ LE GLAO ROLLA SA CHOISTE FREAGRACH	16

DRÉACHTRÚN REACTACH Ó PHARLAIMINT NA hEORPA

ar an dréachtchinnadh ón gComhairle maidir leis an gComhaontú Comhpháirtíochta Deonaí a thabhairt i gcrích idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí (10861/2018 – C8-0445/2018 – 2018/0272(NLE))

(Toiliú)

Tá Parlaimint na hEorpa,

- ag féachaint don dréachtchinnadh ón gComhairle maidir leis an gComhaontú Comhpháirtíochta Deonaí a thabhairt i gcrích idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí (10861/2018),
 - ag féachaint don dréacht-Chomhaontú Comhpháirtíochta Deonaí idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí (10877/2018),
 - ag féachaint don iarraidh ar thoiliú a thíolaic an Chomhairle i gcomhréir leis na chéad fhomhíreanna d’Airteagal 207(3) agus (4), i gcomhar le pointe (a)(v) den dara fomhír d’Airteagal 218(6) agus le hAirteagal 218(7) de, den Chonradh ar Fheidhmiú an Aontais Eorpaigh (C8-0445/2018),
 - ag féachaint dá rún neamhreactach an ...¹ ar an dréachtchinnadh,
 - ag féachaint do Riail 99(1) agus (4), agus do Riail 108(7) dá Rialacha Nós Imeachta,
 - ag féachaint don moladh ón gCoiste um Thrádáil Idirnáisiúnta agus don tuairim ón gCoiste um Fhorbairt (A8-0083/2019),
1. Ag tabhairt a toiliú chun an comhaontú a thabhairt i gcrích;
 2. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig rialtais agus parlaimintí na mBallstát agus Phoblacht Shóisialach Vítneam.

¹ Téacsanna a glacadh an dáta sin, P8_TA(0000)0000.

RÁITEAS MÍNIÚCHÁIN

Cúlra

Bhí Vítneam ar an tríú tír san Áise a chuaigh isteach in idirbheartaíochtaí an Chomhaontaithe Comhpháirtíochta Deonaí (VPA), i ndiaidh na hIndinéise agus na Malaesia, nuair a rinne sí amhlaidh in 2010. Tugadh na hidirbheartaíochtaí i gcrích i mí na Bealtaine 2017 agus síníodh an comhaontú an 19 Deireadh Fómhair 2018. Is é is cuspóir leis an VPA, i gcomhréir le tiomantas comhpháirteach an Aontais agus Vítneam maidir le bainistiú inbhuanaithe na bhforaoisí, creat dlíthiúil a chur ar fáil arb é is aidhm leis, maidir leis an adhmaid agus na táirgí adhmaid uile a dhéanfar a allmhairiú ó Vítneam isteach san Aontas agus a chumhdófar leis an VPA, a áirithiú go ndearnadh siad a tháirgeadh go dleathach.

Is tír thábhachtach í Vítneam i gcomhthéacs na trádála adhmaid ar an ábhar gur sa tír sin atá an séú earnáil próiseála adhmaid is mó ar domhan atá dírithe ar onnmhairithe. Is mór-allmhaireoir adhmaid agus táirgí adhmaid í freisin. D'ídigh monarchana i Vítneam timpeall ar 34 mhilliún méadar ciúbach adhmaid agus táirgí adhmaid in 2017, agus rinneadh 25% den mhéid sin a allmhairiú agus tháinig 75% de ó phlandálacha baile, roinnt mhaith acu faoi úinéireacht agus á mbainistiú ag feirmeoirí beaga. Ba iad Camarún, SÁM agus an Chambóid na tíortha is mó ba fhoinsí lomán agus adhmaid sháfa iad in 2017. Tháinig fás 68% ar luach na n-allmhairithe thar thréimse 2011-17. Mar mhol próiseála, is mór-onnmhaireoir táirgí adhmaid isteach san Aontas í Vítneam, ach is mór-onnmhaireoir isteach sa réigiún uile í freisin, go háirithe sa tSín.

Roimhe seo, sula ndearna sí toirmeasc onnmhairithe a fhorfheidhmiú go héifeachtach, bhí an dúshlán tábhachtach roimh Vítneam maidir le dul i ngleic leis an trádáil mhídhleathach adhmaid ó Laos, agus arís le blianta beaga anuas ón gCambóid. Ó 2015 i leith, tá an Chambóid ar an dara soláthróir is mó d'adhmaid trópaiceach chuig Vítneam, in ainneoin toirmeasc tuairiscithe¹ ar onnmhairithe chuig Vítneam. Tá freagracht chomhroinnte idir an dá thír as an trádáil mhídhleathach sin a chothú, ar an ábhar go bhfuil cinntí foirmiúla déanta ag údaráis Vítneam, go háirithe ar an leibhéal cúigeach, nach dtugtar urraim leo do reachtaíocht na tíre tionscnaimh, amhail cuótaí foirmiúla ar allmhairithe a riar.

An Comhaontú Comhpháirtíochta Deonaí (VPA): a luaithe a dhaingneofar é, cuirfear tús le próiseas iomlán

Faoi VPA, tugann tír tiomantas go ndéanfaidh sí beartas a chur ar bun d'fhonn a áirithiú nach ndéanfar aon adhmaid mídhleathach a onnmhairiú chuig tríú tíortha, agus go háirithe chuig an Aontas². Is ionann an VPA a shíniú, dá bhrí sin, agus tús a chur le próiseas fada a mbeidh ar Vítneam sraith iomlán reachtaíochta (ar a dtugtar an Córas Dearbhaithe i dtaca le Dlíthiúlacht Adhmaid - TLAS) a ghlacadh lena linn agus na struchtúir riaracháin a chur ar bun a mbeidh gá leo chun a tiomantais VPA a chur chun feidhme agus a fhordeimhniú. Dá bhrí sin, leis an VPA, rannchuideofar le hearnáil adhmaid Vítneam a athchóiriú ó bhonn. Mar mhol próiseála,

¹ <https://www.phnompenhpost.com/national/despite-ban-timber-exports-vietnam-nearing-2016-total>

² Leis an VPA, cumhdaítear na mórtháirgí uile a onnmhairítear chuig an Aontas, go háirithe mar a shainmhínítear i Rialachán FLEGT 2005 (lomáin, adhmaid sáfa, trasnáin iarnróid, sraithadhmaid agus veinír) agus áirítear leis roinnt táirgí adhmaid eile amhail cáithníní slise adhmaid, ábhar urlár iontlaise, slíschlár agus troscán adhmaid. Leis an gComhaontú, cumhdaítear onnmhairithe chuig na tríú tíortha uile ach, ar dtús ar a laghad, níl feidhm ag an scéim ceadúnúcháin ach amháin maidir le honnmhairithe AE.

tá sé ríthábhachtach go nglacfadh Vítneam reachtaíocht lena n-aireofaí nach ndéanfaí ach adhmaid a ndéanfar lománaíocht air go dleathach a allmhairiú isteach ina margadh. Tá tiomantas tugtha ag Vítneam go nglacfaidh sí reachtaíocht rialaithe onnmhairithe den sórt sin agus is cinnte gurb é sin ceann amháin de mhóréachta an VPA.

Tá an Rapóirtéir den tuairim go bhfuil ról lárnach ag reachtaíocht onnmhairithe Vítneam maidir le cur chun feidhme iomlán an VPA. Tá tiomantas tugtha cheana ag Vítneam oibleagáidí díchill chuí d'allmhaireoirí adhmaid agus táirgí adhmaid a chur san áireamh, mar sin is é an cuspóir atá ann sa chás seo ná a áirithiú go mbeidh reachtaíocht Vítneam coibhéiseach le Rialachán Adhmaid an Aontais Eorpaigh (EUTR) a mhéid is féidir, go háirithe trí oibleagáidí coibhéiseacha díchill chuí a sholáthar. Thairis sin, is tábhachtach a thabairt d'aire go bhfuil tiomantas tugtha ag Vítneam freisin go dtabharfadh sí aitheantas do rialacha thír an tsaothraithe mar chuid de shainmhíniú na dlíthiúlachta faon gCóras Dearbhaithe i dtaca le Dlíthiúlacht Adhmaid. I láthair na huaire, áfach, níl breathnú déanta ag Vítneam ar thoirmeasc iomlán ar adhmaid mídhleathach ag teacht isteach i margadh Vítneam, rud lena mbainfeadh oibleagáid adhmaid mídhleathach den sórt sin a urghabháil.

Ní bheidh Vítneam in ann aontú do scéim ceadúnúcháin FLEGT an Aontais ach i ndiaidh do Vítneam tiomantais uile an VPA¹ a chur chun feidhme go hiomlán. Bheadh sé sin ina chéim mhór freisin ó thaobh rochtain ar mhargadh an Aontais, ós rud é go nglactar leis, maidir le hadhmaid a dhéantar a allmhairiú faoi cheadúnas FLEGT, go bhfuil sé dleathach faoi EUTR. Is sprioc fhadtéarmach é aontachas le ceadúnúcháin FLEGT, ar an ábhar go mbeidh ar Vítneam a áirithiú go ndéanfar tiomantais uile an VPA a chur chun feidhme go hiomlán agus a chruthú go bhfuil an acmhainneacht aici chun an reachtaíocht náisiúnta ghaolmhar a fhorfheidhmiú. Ós rud é go ndéantar aontachas Vítneam le scéim ceadúnúcháin FLEGT a fhorfheidhmiú trí bhíthin nós imeachta gnímh tharmhligthe, beidh Parlaimint na hEorpa freagrach as measúnú a dhéanamh go cúramach an bhfuil tiomantais agus ceanglais an VPA comhlíonta. Tá an Rapóirtéir den tuairim go dtugann an rún atá ag gabháil leis an moladh maidir le toiliú an deis soiléireacht a dhéanamh ar na tagarmharcanna le haghaidh measúnú a dhéanamh amach anseo an mbeidh Vítneam ullamh chun aontú do scéim ceadúnúcháin FLEGT an Aontais.

Caidreamh idir an VPA agus an EVFTA

Go dtí seo, tá an VPA agus an EVFTA ag tacú le chéile lena na ról atá acu. Trasnaíonn an dá chomhaontú sin a chéile sa Chaibidil den Chomhaontú Saorthrádála (TSD) maidir le Trádáil agus Forbairt Inbhuanaithe (TFI), ina bhfuil forálacha maidir le bainistíocht inbhuanaithe foraoisí agus trádáil inbhuanaithe i dtáirgí foraoise agus ina bhfuil tagairt shainráite don VPA². Tráth a theachta i bhfeidhm, déanfaidh EVFTA trádáil i dtáirgí adhmaid VPA a léirscaoileadh. Cumhdófar na hallmhairithe sin le hoibleagáidí ginearálta díchill chuí EUTR go dtí go gcuirfear tús le ceadúnúcháin FLEGT. Thairis sin, ní mheastar faoi láthair gur tír ardriosca í Vítneam i dtaca le hallmhairithe isteach in AE. Is gá, áfach, tuilleadh faireacháin a dhéanamh ar fhorás na trádála adhmaid déthaobhaí, lena n-áirítear i gcreat Chaibidil TSD de

¹ Ar dtús, is iad AE agus Vítneam a dhéanfaidh measúnú i gcomhar le chéile ar ullmhacht an Chórais Dhearbhaithé i dtaca le Dlíthiúlacht Adhmaid. Ní bheifear in ann tús a chur leis an gceadúnúcháin ach amháin má thagann an dá pháirtí ar chomhaontú go bhfuil am córas láidir go leor.

² Airteagal 13.8, mír 2(a): [déanfaidh gach Páirtí] cur chun cinn na trádála i dtáirgí foraoise ó fhoraoisí atá á mbainistiú agus a saothrú ar bhealach inbhuanaithe i gcomhréir leis an reachtaíocht intíre i dtír an tsaothraithe a spreagadh; féadfar a áireamh leis sin tabhairt i gcrích Comhaontú Comhpháirtíochta Deonaí i ndáil le Forfheidhmiú an Dlí, Rialachas agus Trádáil i dtaca le Foraoisí (FLEGT).

TFI, chun a áirithiú nach mbeadh aon rioscaí breise ag gabháil leis an léirscaoileadh breise.

Ar deireadh, molann an Rapóirtéir, sa rún atá ag gabháil leis an moladh maidir le toiliú, gur cheart díriú ar na pointí tagarmharcála seo a leanas le haghaidh an VPA a chur chun feidhme:

- Beidh ar Vítneam reachtaíocht onnmhairithe a ghlacadh lena soláthrófaí oibleagáidí daingne díchill chuí. Níor cheart go bhfágfaí gur díreach ‘tic sna boscaí’ a bheadh sa dícheall cuí sin, ach ba cheart na céimeanna díchill chuí uile is gá a bheith ann amhail measúnú riosca agus maolú. Thairis sin, níor cheart gurbh ionann é agus cóipeáil agus greamú ó EUTR, ach ba cheart é a mheaitseáil le socrú idirinstiúideach leordhóthanach chun fordheimhniú leordhóthanach a áirithiú.
- Le reachtaíocht allmhairithe Vítneam, ba cheart foráil a dhéanamh do thoirmeasc ar adhmaid mídhleathach a chur ar an margadh, sa bhreis ar an oibleagáid díchill chuí. Ba cheart dó sin freisin foráil a dhéanamh don fhéidearthacht an t-adhmaid mídhleathach atá tar éis dul tríd an gcustam a urghabháil.
- Níor cheart TLAS a chur i bhfeidhm ar pháipéar amháin ach ba cheart é a fhorfheidhmiú freisin. Beidh athchóirithe ar na húdaráis phoiblí fhreagracha, mar aon le leithdháileadh acmhainní leordhóthanacha, ag gabháil leis sin. Tá fordheimhniú rithabhachtach maidir lena n-áirithiú nach mbainfí úsáid as VPA chun adhmaid mídhleathach a ‘sciúradh’.
- Ba cheart do Vítneam teacht ar chomhaontú maidir le Plean Gníomhaíochta le haghaidh VPA a chur chun feidhme, chun an leibhéal ard tiomantais a choinneáil ar bun agus lena n-áirítear gníomhaireachtaí atá le déanamh chun dul i ngleic le hallmhairithe adhmaid sula gcuirfear TLAS i bhfeidhm.
- Ba cheart do Vítneam breithniú a dhéanamh ar an scéim ceadúnúcháin onnmhairithe a bheidh aici amach anseo a leathnú chuig gach tríú tír seachas tíortha AE.
- Ba cheart do Vítneam a bheith ag obair chun deireadh a chur leis an éillitheacht fhorleathan go háirithe maidir leis na húdaráis chustaim, atá chun cinn maidir le cur chun feidhme agus fordheimhniú bheartas agus uirlisi VPA. Ba cheart do Vítneam iad siúd a bhí freagrach as an trádáil mhídhleathach a údarú agus a bhainistiú roimhe seo a scrúdú, a bhaint dá bhfeidhmeanna agus a thabhairt faoi réim an cheartais.
- Caithfear deireadh a chur le gach sreabhadh mídhleathach adhmaid trasna teorainn na Cambóide. Dá bhrí sin, ba cheart adhmaid ón gCambóid a mheas i reachtaíocht Vítneam mar adhmaid ardriosca. Ba cheart breithniú a dhéanamh freisin ar dheireadh iomlán a chur le hallmhairithe ón gCambóid. Ba cheart idirphlé idir an dá thír a fheabhsú.
- Ba cheart don Choimisiún leanúint de bhrú a chur ar thíortha móra allmhairithe sa réigiún amhail an tSín agus an tSeapáin. Tá gné réigiúnach an-tabhachtach ag an VPA sin agus tá sé d’acmhainneacht aige éifeachtaí iarmharta a chruthú do mhór-allmhaireoirí eile. Ba cheart don Choimisiún, áfach, tosaíocht a thabhairt tuilleadh sa chaidreamh déthaobhach leis na tíortha sin don trádáil mhídhleathach adhmaid.
- Go dtí seo, is sampla dearfach de rannpháirtíocht sa tsochaí i Vítneam nach bhfacthas a leithéid riamh roimhe seo a bhí sa bheart VPA. Ba cheart leanúint de sin agus ba

cheart do Vítneam cloí lena gealltanais rannpháirt a thabhairt do ESSanna i gcur chun feidhme an VPA. Is colún tábhachtach de chóras rialachais an VPA í rannpháirtíocht na ESSanna.

IARSCRÍBHINN: LIOSTA DE NA HEINTITIS NÓ NA DAOINE ÓNA BHFUAIR AN RAPÓIRTÉIR IONCHUR

Déantar an liosta seo a leanas a tharraingt suas ar bhonn deonach amháin faoi fhreagracht eisiach an rapóirtóra. Tá ionchur faighte ag an rapóirtéir ó na heintitis nó na daoine seo a leanas mar chuid d'ullmhúchán an Dréachtrúin Reachtaigh ó Pharlaimint na hEorpa ar an dréachtchinneadh ón gComhairle maidir leis an gComhaontú Comhpháirtíochta Deonach a thabhairt i gcrích idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí:

Eintiteas agus/nó duine	
Faith Doherty, Jago Wadley	An Ghníomhaireacht um Imscrúdú Comhshaoil, EIA
Edwin Shanks	An Institiúid Eorpach um Fhoraoisí, EFI
Ionadaithe	Tionscal Lámhcheardaíochta agus Adhmaid Chathair Ho Chi Minh, HAWA
Perrine Fournier	FERN
Jo Blackman	Global Witness
An tUas. Nguyen Xuan Phuc, Príomh Aire Vítneam	Rialtas Vítneam
An tUas. Nguyen Xuan Cuong, Aire Talmhaíochta agus Forbartha Tuaithe	Rialtas Vítneam
An tUas. Hà Công Tuấn, Leas-Aire Talmhaíochta agus Forbartha Tuaithe	Rialtas Vítneam
Nguyen Thi Kim Ngan, Uasal, Cathaoirleach an Tionóil Náisiúnta	Parlaimint Vítneam
Údarais chúigeacha, custaim, póilíní, rialú teorann, ceannaireacht chúige	Cúige Gia Lai, Vítneam
Ionadaithe	Ionad um Oideachas agus um Fhorbairt – CED, Vítneam (ENR)
Ionadaithe	Ionad um Fhorbairt Inbhuanaithe Tuaithe CED, Vítneam (ENR)
Ionadaithe	Pan Nature, Vítneam (ENR)
Ionadaithe	Ciste Domhanda Fiadhúlra, WWF, Vítneam
An tUas. Say Sam Al, Aire Comhshaoil	Rialtas na Cambóide
An tUas. Veng Sakhon, Aire Talmhaíochta, Foraoiseachta agus Iascaigh	Rialtas na Cambóide
An tUas. Sak SETHA, Státrúnaí na hAireachta Gnótha agus um Fhorbairt í Baile	Rialtas na Cambóide
Ionadaí	An Cumann Caomhnaithe Fiadhúlra, WCS, an Chambóid
Ionadaí	An Ciste Domhanda Fiadhúlra, WWF, an Chambóid
Ionadaithe	Prey Lang Community Network, an Chambóid
Markus Hardtke	Coireacht Foraoise
Gordana Topic	An Coimisiún Eorpach
Hugo-Maria Schally	An Coimisiún Eorpach

Astrid Schomaker	An Coimisiún Eorpach
An tAmbasadóir Bruno Angelet	SEGS, toscaireacht AE in Hanái
An tAmbasadóir George Edgar	SEGS, toscaireacht AE in Phnom Penh
An tAmbasadóir Kari Kahiluoto	Ambasáid an Fionlainne in Hanái
Ionadaithe	Ambasáid na Gearmáine in Hanái

25.1.2019

TUAIRIM ÓN GCOISTE UM FHORBAIRT

chuig an gCoiste um Thrádáil Idirnáisiúnta

ar an dréachtchinneadh ón gComhairle maidir leis an gComhaontú Comhpháirtíochta Deonai a thabhairt i gcrích idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí (10861/2018 – C8-0445/2018 – 2018/0272(NLE))

Rapóirtéir don tuairim: Jan Zahradil

Iarrann an Coiste um Fhorbairt ar an gCoiste um Thrádáil Idirnáisiúnta, mar an coiste atá freagrach, a mholadh go dtabharfadh an Pharlaimint a toiliú don dréachtchinneadh ón gComhairle maidir leis an gComhaontú Comhpháirtíochta Deonach a thabhairt i gcrích idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí.

NÓS IMEACHTA - COISTE AR IARRADH TUAIRIM AIR

Teideal	Comhaontú Comhpháirtíochta Deonai idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí
Tagairtí	10861/2018 – C8-0445/2018 – COM(2018)0515 – 2018/0272(NLE)
An Coiste freagrach	INTA
Tuairim ó Dáta a fógraíodh sa suí iomlánach	DEVE 25.10.2018
Rapóirtéir Dáta an cheapacháin	Jan Zahradil 16.11.2018
Pléite sa choiste	20.11.2018
Dáta an ghlactha	22.1.2019
Toradh na vótála chríochnaithí	+ : 20 - : 1 0 : 0
Na comhaltaí a bhí i láthair don vótáil chríochnaitheach	Mireille D'Ornano, Doru-Claudian Frunzuliță, Enrique Guerrero Salom, Maria Heubuch, Teresa Jiménez-Becerril Barrio, Linda McAvan, Norbert Neuser, Vincent Peillon, Lola Sánchez Caldentey, Elly Schlein, Bogusław Sonik, Eleni Theoharous, Anna Záborská, Joachim Zeller, Željana Zovko
Comhaltaí ionaid a bhí i láthair ag an vótáil chríochnaitheach	Marina Albiol Guzmán, Agustín Díaz de Mera García Consuegra, Frank Engel, Stefan Gehrold, Maria Noichl, Judith Sargentini

TORADH NA VÓTÁLA CRÍOCHNAITHÍ SA CHOISTE AR IARRADH TUAIRIM AIR

20	+
ECR	Eleni Theocharous
GUE/NGL	Marina Albiol Guzmán, Lola Sánchez Caldentey
PPE	Agustín Díaz de Mera García Consuegra, Frank Engel, Stefan Gehrold, Teresa Jiménez-Becerril Barrio, Bogusław Sonik, Anna Záborská, Joachim Zeller, Željana Zovko
S&D	Doru-Claudian Frunzulică, Enrique Guerrero Salom, Linda McAvan, Norbert Neuser, Maria Noichl, Vincent Peillon, Elly Schlein
VERTS/ALE	Maria Heubuch, Judith Sargentini

1	-
EFDD	Mireille D'Ornano

0	0

Eochair na siombailí:

+ : i bhfabhar

- : i gcoinne

0 : staonadh

AN NÓS IMEACHTA – COISTE FREAGRACH

Teideal	Comhaontú Comhpháirtíochta Deonai idir an tAontas Eorpach agus Poblacht Shóisialach Vítneam maidir le forfheidhmiú an dlí, rialachas agus trádáil i dtaca le foraoisí	
Tagairtí	10861/2018 – C8-0445/2018 – COM(2018)0515 – 2018/0272(NLE)	
Dáta an chomhairliúcháin / iarraidh ar thoiliú	19.10.2018	
An Coiste freagrach Dáta a fógraíodh sa suí iomlánach	INTA 25.10.2018	
Coistí ar iarraidh tuairim orthu Dáta a fógraíodh sa suí iomlánach	DEVE 25.10.2018	
Rapóirtéirí Dáta an cheapacháin	Heidi Hautala 29.8.2018	
Discussed in committee	20.11.2018	23.1.2019
Dáta an ghlactha	19.2.2019	
Toradh na vótála chríochnaithí	+: 37 -: 0 0: 0	
Na comhaltaí a bhí i láthair don vótáil chríochnaitheach	Laima Liucija Andrikenė, Maria Arena, Tiziana Beghin, Daniel Caspary, Santiago Fisas Aixelà, Christofer Fjellner, Karoline Graswander-Hainz, Heidi Hautala, Nadja Hirsch, France Jamet, Jude Kirton-Darling, Patricia Lalonde, Bernd Lange, David Martin, Emma McClarkin, Anne-Marie Mineur, Sorin Moisă, Inmaculada Rodríguez-Piñero Fernández, Kārlis Šadurskis, Marietje Schaake, Helmut Scholz, Joachim Schuster	
Comhaltaí ionaid a bhí i láthair ag an vótáil chríochnaitheach	Klaus Buchner, Ramona Nicole Mănescu, Georg Mayer, Ralph Packet, Bolesław G. Piecha, Fernando Ruas, Lola Sánchez Caldentey	
Comhaltaí ionaid faoi Riail 200(2) a bhí i láthair ag an vótáil chríochnaitheach	Georges Bach, Malin Björk, Ramón Jáuregui Atondo, Bernd Kölmel, Julia Pitera, Wim van de Camp, Mirja Vehkaperä, Marco Zanni	
Dáta don chur síos	22.2.2019	

TORADH NA VÓTÁLA CRÍOCHNAITHÍ LE GLAO ROLLA SA CHOISTE FREAGRACH

37	+
ALDE	Nadja Hirsch, Patricia Lalonde, Marietje Schaake, Mirja Vehkaperä
ECR	Bernd Kölmel, Emma McClarkin, Ralph Packet, Bolesław G. Piecha
EFDD	Tiziana Beghin
ENF	France Jamet, Georg Mayer, Marco Zanni
GUE/NGL	Malin Björk, Anne-Marie Mineur, Lola Sánchez Caldentey, Helmut Scholz
PPE	Laima Liucija Andrikienė, Georges Bach, Wim van de Camp, Daniel Caspary, Santiago Fisas Ayxelà, Christofer Fjellner, Ramona Nicole Mănescu, Sorin Moisă, Julia Pitera, Fernando Ruas, Kārlis Šadurskis
S&D	Maria Arena, Karoline Graswander-Hainz, Ramón Jáuregui Atondo, Jude Kirton-Darling, Bernd Lange, David Martin, Inmaculada Rodríguez-Piñero Fernández, Joachim Schuster
VERTS/ALE	Klaus Buchner, Heidi Hautala

0	-

0	0

Eochair na siombailí:

+ : i bhfabhar

- : i gcoinne

0 : staonadh